



## MEMORANDUM O RAZUMIJEVANJU I SARADNJI

Između:

- **Memorijalnog centra Srebrenica-Potočari Spomen obilježje i mezarje za žrtve genocida iz 1995. godine,** sa sjedištem u ulici Potočari bb, 75430 Srebrenica, Bosna i Hercegovina, kojeg zastupa zamjenica predsjedavajućeg Upravnog odbora, Aida Baručija
- **NVO „Građanska alijansa“**, sa sjedištem u ulici Petra Dedića 26, Podgorica, Crna Gora, koju zastupa Programski direktor Milan Radović

(U daljem tekstu: Strane potpisnice)

### Član 1.

Memorandum predstavlja polaznu osnovu za razvoj saradnje zasnovane na ravnopravnosti i uzajamnom poštovanju, nastao kao izraz potrebe da se utvrde okviri buduće saradnje u oblastima obrazovanja o događajima koji su se desili u i oko Srebrenice, ljudskih prava, tranzicijske pravde i borbe protiv negiranja genocida, a sve u skladu sa članom 7, odnosno mandatom i ciljevima koji su utvrđeni Zakonom o Memorijalnom centru Srebrenica-Potočari.

Na osnovu zajedničkog interesa, a sa ciljem uspostavljanja zajedničke saradnje, Strane potpisnice izražavaju svoju saglasnost za organizovanje i razvoj oblika zajedničke saradnje, unutar dostupnih pravnih okvira, mogućnosti i interesovanja u sljedećim oblastima:

- Saradnja u podizanju svijesti javnosti o genocidu u Srebrenici i drugih ratnih zločina u Bosni i Hercegovini, Crnoj gori i regionu;
- Razmjena informacija i literature na temu genocida, ljudskih prava i tranzicijske pravde;
- Saradnja na unapređenju naučno-istraživačkog rada u oblasti ljudskih prava, tranzicijske pravde, međunarodnim i domaćim presudama i borbi protiv negiranja genocida;
- Saradnja kroz organizaciju i učešće na seminarima, radionicama i konferencijama;
- Organizacija i učestvovanje na istraživačkim konferencijama, simpozijumima i seminarima, po pozivu uključenih strana;
- Istraživanje i stručni rad unutar postojećih institucija i organizacija;
- Razmjena stečenih iskustava između Strana potpisnica;
- Saradnja stručnih službi Strana potpisnica;
- Realizaciju drugih ciljeva i zadataka koji proizilaze iz samog karaktera Strana potpisnica;
- Saradnja u oblasti edukacije polaznika programa Škole politički studija Građanske alijanse;
- Kao i kroz druge oblasti i načine saradnje a prethodno dogovorene od strana potpisnica.



## Član 2.

Strane potpisnice su usaglasile neophodnost zajedničkog djelovanja i upravljanja projektima i aktivnostima u oblasti borbe protiv negiranja genocida, prava žrtava ratnih zločina, ljudskih prava, izgradnje mira i tranzicijske pravde.

## Član 3.

Strane potpisnice će, u cilju realizacije modaliteta saradnje, formirati zajednički tim koji će vršiti redovnu evaluaciju rezultata saradnje i davati prijedloge za njezino unapređenje, u skladu sa ciljevima i zajedničkim projektima.

## Član 4.

Finansiranje dogovorenih programskih aktivnosti i drugih oblika saradnje Strana potpisnica definišaće se posebnim ugovorom ili drugim aktom.

## Član 5.

Strane potpisnice se obavezuju da sve povjerljive podatke i dokumente koje međusobno razmjene, a koji se odnose na ovaj Memorandum ili su u vezi sa ovim Memorandumom (osim opće poznatih podataka koji su dostupni javnosti), bez prethodne pisane saglasnosti druge strane, neće otkriti trećim osobama.

## Član 6.

Sve nesuglasice u tumačenju i primjeni odredbi ovog Memoranduma, Strane potpisnice će rješavati pregovaranjem i savjetovanjem.

## Član 7.

Memorandum stupa na snagu danom obostranog potpisivanja Strana potpisnica i neograničenog je trajanja.

Prijedlog izmjene teksta i sadržaja ovog Memoranduma podnosi, u pisanoj formi, jedna ili obje Strane potpisnice, drugoj Strani potpisnici najmanje 30 dana prije plana njegove izmjene, nakon čega će Strane potpisnice zajednički razmotriti prijedlog i o njemu odlučiti.

Memorandum prestaje važiti na zahtjev jedne od Strana potpisnica, uz obrazloženje razloga takve odluke.



Bosna i Hercegovina  
Memorijalni centar Srebrenica-Potočari Spomen obilježje  
i mezarje za žrtve genocida iz 1995. godine



MEMORIJALNI  
CENTAR  
SREBRENICA




GRADANSKA  
ALIJANSA  
Član Alijansa - Alijansa građana

### Član 8.


Ovaj Memorandum sačinjen je u 2 (dva) istovjetna primjerka, na službenim jezicima u Bosni i Hercegovini i Crnoj Gori, a svaka ugovorna strana zadržava po jedan primjerak.

Memorijalni centar Srebrenica-  
Potočari, Spomen obilježje i mezarje  
za žrtve genocida iz 1995. godine

  
Alda Baručija,  
Zamjenica Predsjedavajućeg  
Upravnog odbora

Broj: 01-02-3-2301/24  
Srebrenica, 25.09.2024. godine

NVO „Građanska Alijansa“

  
Milan Radović,  
Programski direktor

Broj:  
Podgorica,

